

八旗則例



八旗則例

教養

一旗學雍正七年議準滿洲蒙古每叅領下各設學舍一所十二歲以上幼丁均準入學習清文國語蒙古學生並習蒙古語其教習於前鋒護軍領催驍騎內擇其人老成通曉清文者二人充補每叅領下委官一人或驍騎校一人教導倫理以及騎射該旗都統叅領等仍不時稽察每年考試一次能教訓者其教習繫官紀錄繫兵丁注册遇有應升之處列名○又定八旗



漢軍子弟學習清文。原屬緊要。應令各在本旗就近地方。設立學舍一所。每佐領下。簡選一二。人專習清文。其教習。交與各該旗滿洲都統。會同本旗漢軍都統。於滿洲散秩官。并筆帖式。或因公呈誤革職降調人員內。擇其堪膺訓導之任者二人。又於漢軍本旗內。擇善射者一二人。教習弓箭。并令本旗叅領一人。不時稽察。如子弟文理精通。情願考試繙譯者。於吏部考取筆帖式。即繫閑散。亦準考試。其教習三年內。果能教導有成。該旗都統。按人數之多寡。分別等次。

請

旨議叙

○乾隆八年奏準。考取八旗義學繙譯教習。例由該旗將舉貢生員咨送。但教習為人師範。務擇其年逾三旬。行無匪僻者。具結送部。驗明考試。至教習內。有教導國語之教習。亦照此例送考。○十年奏準。教習蒙古官學生之巴克什。即教習。五年期滿。詳加考覈。不能教導者。令歸旗當差。人明白實心訓導者。分別等次引

見。恭候記名注册。仍留在學行走。遇有該旗應升之。闕與應升人員。分別簡補。○十一年奏準。八旗

義學滿洲教習內。原食錢糧之人。停其教習公費米。未食錢糧之人。仍給與公費米。○十二年奏準。八旗舊營房教習。於營房兵丁內。選取充補。令營房居住之旗員。并管營房之叅領。不時稽察。○十七年議準。八旗年未及歲之世爵。食半俸者。原有移送官學讀書之例。而就學者甚少。此輩幼童。或因過於溺愛。不習技藝。或恃身已為官。任意作為。或見食俸祿。為匪人誘惑。成丁後長進者少。不肖者居多。見在年未及歲之世爵。百有七十人。應請八旗。每翼各設官學二

所。交工部以米局官房。作速修理。

簡命一二品大臣。專管教訓。設教習國語。及騎射之人。學內所用薪炭等物。統交管學大臣。察例具奏。凡八旗世爵內。十歲以上。均送官學教習國語騎射。三年期滿。管學大臣。請旨特簡王大臣。考試年已及歲世爵之國語騎射。分別等第奏

聞。列為一等者。引

見。或在部行走。或授為侍衛。候

旨酌量補授。以示鼓勵。二等者。在該旗印房學習。行

走優者對品補用三等仍留學教育照常支給半俸三年再行考試倘仍無造就之機即行革除將世爵於應襲人員內別行承襲○又奏準八旗見在年幼世爵百七十人內未及十歲者二十六人十歲以上堪習技藝之世爵百四十四人今設立官學各按該旗適中地方擇得左翼鑲黃旗漢軍鑲白旗蒙古米局右翼鑲藍旗蒙古鑲紅旗滿洲米局官房行文工部作速修葺設立官學外鑲黃正白合爲一學鑲白正藍合爲一學正黃正紅合爲一學鑲紅鑲藍合爲一學

一學約束官每翼委叅領二人輪流整飭掌管學內一應事宜每學委領催二名驍騎八名看守房屋聽差管理大臣仍不時赴學稽察學業無致怠惰偷安教習國語之人照選漢軍教習之例於本旗滿洲散秩官筆帖式因公呈誤廢員降級調用之人員內選補每翼選補四人見任職官每月支銀二兩無祿人支銀二兩米一斛折銀支給每學設師二人教習騎射亦於滿洲旗護軍校前鋒護軍內每翼選四名照國子監助教例每月支公費銀一兩五錢每學月給

公費銀四兩以爲構買水塊薪炭之用均於該旗房租銀內動支用過銀數該旗統於歲終奏銷再教習國語及騎射每旗各一人該旗都統擇人品端方可以爲師者送學教習三年期滿議叙不善教授者即行駁回更換官則送部察議兵則責革

一錄送考試順治八年題準滿洲蒙古子弟歸順天府考試生員通清漢文者繙譯漢字文一篇通清文者作清字文一篇漢軍子弟令順天學院與民童一體考試○又定滿洲蒙古考試

繙譯與漢人分爲兩榜○九年定漢軍亦照漢人例考取廩膳生增廣生并按年出貢○順治十四年停止八旗考試○又定停止考試繙譯

滿洲漢人一體考試漢文○康熙六年題準八旗有願作漢文考試者各都統開送禮部移送順天學院滿洲蒙古別編一號漢軍與漢人同場考試文優者即入順天府學生員額內○又題準滿洲蒙古漢軍應試者照漢童生例禮部轉劄順天府丞先行錄取移送學院考試○十年議準滿洲蒙古既作漢文亦準考取廩增按

年出貢○十二年題準旗人照漢人生童歲科
兩考例一體考試○又題準

盛京各旗子弟通習漢文者與

盛京民童一體考試漢文○十五年停止八旗考
試○二十六年

恩詔八旗準同漢人一體考試遵

旨議準滿洲蒙古漢軍照舊考取生員

盛京亦照舊考取生員鄉會試編入在京滿洲蒙
古漢軍數內一并考試○二十八年覆準考取
滿洲生員宜試騎射不能騎射者不準考試○

二十九年題準奉天府滿洲蒙古漢軍考取生
員奉天將軍副都統等驗馬步射能者交與該
府丞考試○四十八年題準八旗漢軍內府旗

鼓佐領下未入流筆帖式庫使由官學生補授
之外郎閑散人等有願考試武生者該旗開具
姓名移送順天府照例申送學政考試時將所
取武生并中書及部院衙門六七八品筆帖式
不論上朝未上朝之廕生監生以及監生之
驍騎護軍領催執事人願考試武舉者該旗亦
開列姓名移送順天府與武生一體鄉試不中

者仍當差會試亦照文場例別編合字號○五
十三年覆準文生員有願改入武場武生有願
改入文場者準其起送鄉試其文舉人武舉有
願改考者亦照此準其起送會試中式者照例
造入新冊不中者仍歸文武原冊不準再行改
考○五十四年定每逢鄉會試兩翼
欽點都統各一人副都統各二人叅領各一人旗員
各二人入場約束八旗應試士子三場試畢乃
出闈○六十年定八旗都統等俟出榜一同出
闈○雍正元年奉

旨八旗滿洲除照常考試漢文外繙譯亦屬緊要應將
繙譯考試秀才舉人進士之處定議具奏遵

旨議準三年考取生員二次舉人一次進士一次因鄉
試取中舉人爲數無多暫停會試○又覆準八
旗滿洲照漢軍武童考試外場由兵部開列八旗
準八旗漢軍武童考試外場由兵部開列八旗
副都統職名具題請

簡一人會順天學政考試奉天武童由將軍委協領
一人會府丞考試選取學政將選取之人考試
策論取進入學○二年覆準八旗生員歲考時

該旗都統。交各佐領。催赴考試。如有告假患病緣事。及隨任等情。令其報明該教官。詳察確實。申報學政。照例補考。若有無故不考者。褫革。其八旗漢軍武生。亦照文生員歲考例舉行。至於滿洲蒙古漢軍生員內。如年老有疾者。亦準其告休。給與衣頂。注冊。漢軍武生。亦照此例。○又覆準。八旗生員。

特恩給與錢糧。贍養讀書。若無考校。恐或怠於誦讀。令該旗都統。於歲考前。將領錢糧生員。備造清冊。咨禮部轉送學政。嚴加校閱。考居前等者。照

常領給。居四等以下者。停其給發。遇下次考居

一。二。三等。照漢廩生開復例。仍給原領錢糧。如

四等不願再考。即將學冊除名。聽其復歸護軍

驍騎當差。○又議準。嗣後令八旗都統。遇歲考

之年。將各佐領下生員。嚴催赴考。學臣照考漢

生員例。優等補廩。補增劣等降青。降社。但八旗

生員。有考箭之例。文理兼長為難。如無甚荒謬。

不必苛求。置之後等。○四年議準。向例鄉會試。

每翼用都統一人。副都統二人。叅領一人。旗員

二人。約束士子。若令副都統二人。旗員四人。盡

足彈壓嗣後鄉會試每翼除副都統各一人參領各一人散秩官各一人入闈稽察彈壓三場試畢副都統等亦即出闈○七年覆準八旗考試文武生員舉人進士於四月之前禮部行文各該旗咨取名冊該旗將姓名年貌造具清冊於兩月之前移送禮部會同兵部覈對如該旗不依限造送禮部據實題參如禮兵二部不詳加覈對以致遺漏舛錯監射大臣題參仍補改入冊準其考試再鄉試之年該學政於六七月間始行科試其考取生員不便拘定四月兩月

之限應於科試考取後該旗速行造冊送部轉送兵部考試騎射臨考之時每旗委參領各一人每參領下委賢能旗員各一人每佐領內管領下委領催各一人帶領應試之人送與委出之參領等官識認於騎射時公同送考并將委出之參領旗員領催等職名與應試人之花名冊一并移送禮部注冊禮兵二部覈對花名冊亦傳集伊等公同對閱毋致遺漏舛錯射畢入場時亦令原委之參領旗員領催等識認送考如對冊考射入場之時該參領等不親到者該

部即行題叅。○又題準。旗下送考童生。照外省考試。由該旗考試過。送本叅領考取。再報都統。咨送學院。入場之日。各該佐領。親率領催。點名搜檢。或生童等代考夾帶。或叅佐領不秉公考試。察出。一并治罪。○又議準。十五歲以下。應考之童子。均停其騎射。止考試步射。如有熟悉騎射。情願考試者。亦準其考試騎射。○又覆準。考試期近。兵部咨取副都統等職名時。各該旗副都統。即擇定本旗老成勤慎。能識漢字之領催五名。俟宣

旨之日。各帶至

午門前預備具

欽點副都統。帶本旗領催。一同入場。凡八旗應試人等。所編號口柵欄之外。領催加意看守。照依卷面字樣放進。封號後。隨叅領等官巡察。○十年議準。八旗童生。遇考試之年。禮部行文到日。各叅領。遞傳各佐領下童生。彙齊造冊。申送本旗都統。擬定考試日期。行文翰詹衙門。咨取科甲出身滿官一人。在該旗公所。會同叅領。佐領。考試應試童生。於試日黎明。齊赴該旗公所。聽各

該佐領點名識認。以杜頂冒等弊。試竣將錄取童生數目呈報都統。造具三代履歷年貌滿漢清冊。移送禮部。轉送兵部考射。其試卷鈐印彌封。巡邏搜檢等項。均交各該旗委官辦理。○十一年奏準。八旗於考試之時。將應考之人詳加分別。滿洲蒙古漢軍。明白開注於冊。如有漢軍冒入滿洲額內取中者。一經察出。將咨送之都統佐領等官。交部分別議處。○十二年

諭。清釐八旗歲考不到生員。原以杜規避之弊。然不肖旗員。或借此生事苛求。亦未可定。著該都統轉飭叅

領佐領秉公辦理。倘有徇情朦朧。及需索苦累等事。該都統即行叅究。欽此。○又

諭。朕御極以來。於滿漢人材。廣開登進之途。冀收得人。之效。是以雍正元年。定有滿洲亦準考試武場之例。今已行之十年。未見有宜用綠旗之才。况滿洲弓馬技勇。遠勝漢人。將來行之日久。必致科場前列。悉為滿洲之所占。而滿洲文藝。不及漢人。又恐考試內場時。不免有傳遞代作等弊。似於作養人材之道。未有裨益。著行停止。欽此。○又覆準。八旗生員。遇歲科兩試。務令該都統轉飭各叅佐領。及滿洲學教官。

嚴催各生。應期赴考。如果駐防各省。隨任遠方。及實繫患病。一時不能赴考者。本生預呈教官。教官加具印結。申報學政存案。仍令各該都統。飭令該叅佐領。於學政按試文到之前。逐一察明緣由。出具印結。申報該都統。行文知照學政。并飭發教官造冊。注明某生駐防某省。某生隨任某地。某生實繫患病。加結申報學政存案。如該旗既無知照。教官又不申報緣由。一任該生捏詞託故。抗不赴考。扶同徇隱者。本生照例除名。該管各官。叅奏議處。○又奏準。八旗考試之

童生。照例取具本旗廩生認結。該都統將花名冊。一并送部。以免頂冒之弊。○十三年奏準。八旗漢軍教養兵內。有情願考試武生者。準其與漢軍武童一體考試。○又奏準。八旗人等。有實繫旗下家奴。開戶出身者。止準由旗下別途進身。其本身及子孫。永不許其考試。○乾隆三年議準。八旗生員。如遇親喪二十七月。暫停考試。服滿後。應行考試者。仍令考試。○又覆準。滿洲漢軍考試。各有一定籍貫。不能溷淆。惟內府及王公府屬人員。有假充莊頭子弟。隸內府管轄。

編入上三旗者。又有舊漢人在內管領下。及下五旗王公府屬旗鼓佐領內者。此等人員。原繫漢人。並非滿洲。因考試時。皆由滿洲都統咨送。是以從前。每有在滿洲額內。入學中式者。應令內務府。八旗滿洲都統。覈明內府。及王公府屬。舊漢人。誤在滿洲額內。入學出貢。應歸入漢軍額內。考試者。定限三月。逐一清出。緣由。取其該叅佐領印結。造冊咨禮部存案。嗣後內務府。八旗都統。務嚴飭該管官。於考試時。逐一稽察。其投充莊頭子弟。及內管領旗鼓佐領下之舊漢人。

均別冊送部。歸入漢軍額內。考試。有將應入漢軍冊之人。造入滿洲冊內。咨送者。察出叅奏。該管都統。佐領。照朦溷造冊例議處。○四年覆準。嗣後學政。歲試滿學生員。如有患病事故者。定限科考時補考。補考時。仍有患病事故者。定限下次考試補考。統令該管官。察覈嚴催。務於限內補試。各省駐防。隨任生員。距京遙遠。原與在籍諸生不同。若槩令赴京歲試。多有未便。若任不赴考。亦與例不符。今酌議。駐防隨任各生。有來京鄉試者。即令補行考試。其因路遠。及有事

故不鄉試者。仍令教官造冊。注明該生駐防隨任所在。加結申詳學政存案。並不準止應鄉試。不補歲考。致滋規避之弊。旗員教官。亦不許借端苛索。倘有詐稱駐防隨任。及已經考過。仍復羈留者。明屬徇情朦溷。即行叅處。至隨任回旗之生員。仍按欠考次數。照例補試。○又奏準。旗人有因祖父虧空。力不能完。治以枷責之罪者。如繫閑散人。應準其考試。其有已經出仕。及進士舉人。因代賠祖父虧空。力不能完。治以枷責之罪者。均照閑散人等。準其一體應童子試。并

得與旗下繙譯等項考試。若本身虧空。及緣事枷責。并原案載有不準考試字樣者。不準考試。其有曾經發遣。及入辛者庫

赦回者。本身均不準考試。○又議準。繙譯鄉試。取中舉人。為數已多。請舉行會試。○又議準。入場之副都統。準帶跟役五名。叅領旗員。準帶跟役三名。○五年覆準。八旗投充養育俘獲人等。曾在伊主家服役。開戶之後。究有主僕之分。其子孫應不準考試。至別載冊籍人戶內。惟奉

旨。準其居官考試。及抱養民人。本繫良家者。準其考

試外其餘考試一槩停止○六年奏準八旗遠年開戶人等內除前奉有

諭旨準其考試之舉監生員仍遵

旨準其考試外至投充養育俘獲人等未經開戶以前在伊主家身供役使曾有主僕之分雖經開戶其本身及子孫考試之處應行禁止至八旗別載冊籍之人雖與開戶有間實非正戶可比如令同與考試誠恐旨濫此內有正戶抱養民人別載冊籍者本繫良民應準其考試其有從前奉

旨準其居官考試者原繫

恩加本身應遵

旨仍準其居官考試外其有奉

旨後考中舉貢生員並捐納貢監者將伊等仍留舉貢生監頂帶終身至伊等子孫及一切別載冊籍人等考試之處槩行禁止○又議準停止滿洲筆帖式考試武場惟漢軍仍得考試并準其文武改考○又議準應試人等有年至五十五歲以上者免考騎射○七年定繙譯會試不必別爲一場即於文闈會試二場時別編號舍一

同考試。○又覆準文武互試之例。永行停止。○九年奏準貢院執門外八旗分爲八處。凡送考之叅領等帶領應試士子。各按旗分隨牌候點。如有溷行進入者。立即治罪。先期行文各旗將送考之叅領旗員姓名。並每翼委出之執門叅領姓名。開送外場監察御史。如送考之叅領旗員有不按旗分。一任士子溷入者。該御史即將送考之叅領等察叅。如執門叅領。一任送考之人溷入擁擠。除將溷入之人治罪外。仍將該叅領叅處。○十九年遵

旨議準。繙譯鄉會之設。原欲旗人學習國書。並非以科名爲重。乃近年以來。應試之人。多事鏤刻字句。希圖中式。於實在繙譯文義。轉覺相去愈遠。况學習繙譯之人。原皆可考取中書筆帖式庫使。亦不必藉鄉試會試。始以爲進身之階。嗣後繙譯生員。應仍照舊考試。留爲伊等考取中書筆帖式之地。其鄉會試永行停止。

一旌表。順治九年題準。滿洲蒙古漢軍孝子。順孫義夫節婦。該管佐領驍騎校覈實。送叅領叅領覈實。送都統。副都統。都統。副都統。覈實。送禮

部禮部覈實奏請旌表○又題準旌表節孝滿洲蒙古漢軍支戶部庫銀三十兩聽其自行建坊○十二年題準滿洲蒙古漢軍凡應旌表之人該旗於歲底彙送禮部禮部題請旌表○十四年題準凡婦人已受

誥封者不更旌表○康熙二十七年

諭近見京城及各省尚多夫亡從死者人命關係重大死亡已屬堪憐修短聽其自然豈可妄捐軀體况輕生從死事屬不經若復加褒揚恐益多挫折嗣後夫歿從死永行嚴禁如有必欲身殉者赴部及該管官

陳訴俟奏聞定奪欽此○三十五年題準節婦自三

十歲以內守節至五十歲者即行旌表過五十歲者將遲延緣由報部○五十一年題準受聘未嫁之女聞訃剪髮成服敬守夫墓守節三年從容自縊與尋常輕生者不同照例旌表○五十四年覆準孀婦撫子守志因親屬逼嫁投繯原非激烈輕生照例旌表○雍正元年議準孀婦守節十五載以上逾四十而身故者亦令該管官察報一體旌表○又議準八旗分左右翼各建一祠一為忠義孝弟祠一為節孝祠刊刻

姓名於牌坊之上。已故者設牌位於祠中。春秋
二季致祭。○二年議準行文八旗直省巡撫凡
臨陣捐軀守土授命之文武諸臣及偏裨士卒
詳繕籍貫事蹟具奏交工部於京城內建立昭
忠祠春秋致祭。○三年覆準孝女以父母未有
子姪終身奉親不嫁者照孝子例一體旌表。○
五年覆準定例旌表孝子順孫義夫節婦其孝
婦旌表之處並未有例婦女孝行無虧應請一
體旌表。○乾隆元年議準凡婦人已受
誥封者例不更爲旌表若三十歲以內守節迨撫子

成立之後因子顯達始獲受

封者亦準其一體旌表。○十年奏準節孝旌表後身
故者一體入祠其從前有於旌表後身故未經
入祠之人亦準畫一辦理。○十一年奏準未開
戶之節婦見屬戶下服役之人毋庸旌表外其
開戶之人雖與戶下服役者不同然究與正戶
有間應將開戶之節婦止準其旌表給銀其節
孝祠內題坊設位之處應行停止。○十二年奏
準外省駐防陣亡官兵一體入昭忠祠。○十四
年議準守節之義實緣夫亡守志舅姑年老無

倚婦兼子節奉養終身或外迫強暴終保貞潔
或境處單微秉節愈堅如斯之類理宜題請旌
表給銀建坊沒後致祭祠內以光俎豆至於尋
常守節之婦雖云合例不便一概辦理漫無分
別應於本家呈報之時該管官覈其年例相符
酌量給匾嘉獎附疏彙題於具題之後仍題名
於牌不令湮沒

